

UGOVOR

Broj: 0602-1619-5/18

o nabavci usluga izrade projekta legalizacije nastrešnice na groblju Vlakovo

UGOVORNE STRANE:

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38,
kojeg zastupa Direktor, Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: „HS INŽENJERING“ d.o.o. Sarajevo, ul. Ferde Hauptmana 7, kojeg
zastupa direktor Sead Halilović dipl.inž.građ. (u daljem tekstu: Dobavljač)
ID broj: 4202232780009, porezni broj PDV: 202232780009.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog direktnog postupka za javnu nabavku – usluga izrade projekta legalizacije nastrešnice na groblju Vlakovo, a u svemu prema prihvaćenoj ponudi Dobavljača broj 0602-1619-3/18 od 09.05.2018. godine i Odluke o odabiru ponuđača sa kojim se zaključuje direktni sporazum broj 0602-1619-4/18 od 10.05.2018. godine.

PREDMET UGOVORA

Član 2.

Predmet ovog Ugovora je nabavka usluga izrade projekta legalizacije nastrešnice na groblju Vlakovo, prema zahtjevima Ugovornog organa i prema prihvaćenoj ponudi dobavljača.

UGOVORENA CIJENA

Član 3.

Ugovorena cijena za usluge iz člana 2. ovog Ugovora iznosi:

Cijena usluge koja su predmet ovog Ugovora bez PDV-a iznosi	4.000,00 KM
PDV na ponuđenu cijenu usluga iznosi	680,00 KM
Cijena usluge koja su predmet ovog Ugovora sa PDV-om iznosi	4.680,00 KM

Jedinična cijene iz ugovora su fiksne i ne mogu se mjenjati u toku trajanja ugovora.

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti nakon izvršene usluge izrade projekta legalizacije nestrešnice na groblju Vlakovo, utvrđujući na način da će se 50% , ukupne vrijednosti ponude platiti nakon izrade konstruktivnog dijela projektne dokumentacije, u roku od 7 (sedam) dana računajući od dana nakon prijema uredno ispostavljene fakture za izvršene usluge, 50% ukupne vrijednosti ponude platiti nakon izrade kompletnog projekta legalizacije nastrešnice na groblju Vlakovo, u roku od 7 (sedam) dana računajući od dana nakon prijema uredno ispostavljene fakture za izvršene usluge.

ROK REALIZACIJE

Član 5.

Dobavljač se obavezuje da će usluge definisane članom 2. ovog Ugovora izvršiti na sledeći način:

- Rok izrade konstruktivnog dijela projektne dokumentacije je 7 (sedam) kalendarskih dana od dana potpisivanja Ugovora;
- rok izrade kompletnog projekta nastrešnice je 35 (tridesetpet) kalendarskih dana od dana obostranog potpisivanja Ugovora.

UGOVORNA KAZNA

Član 6.

U slučaju kašnjenja u izvršenju usluga do kojeg je došlo krivicom odabranog dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% ugovorenih usluga, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti usluga koja je predmet narudžbe.

Odabrani dobavljač je dužan platiti ugovornu kaznu u roku od 7 (sedam) dana, od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani dobavljač nije mogao utjecati, niti ih predvidjeti.

OSTALE OBAVEZE DOBAVLJAČA

Član 7.

Dobavljač se obavezuje da:

- projektno – tehničku dokumentaciju izradi stručno, kvalitetno i na vrijeme u skladu sa važećim tehničkim i zakonskim propisima i projektom zadatku;
- ugovorene poslove obavlja u zahtjevanom roku.

OSTALE OBAVEZE UGOVORNOG ORGANA

Član 8.

Ugovorni organ se obavezuje da obezbjedi uslove za realizaciju Ugovora i osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješavanje spora nadležan je sud u Sarajevu.

ZAVRŠNE ODREDBE

Član 11.

Na sve što nije određeno ovim Ugovorom, primjenjuju se odredbe Zakona o obligacionim odnosima.

Član 12.

Ovaj Ugovor se stupa na snagu danom obostranog potpisivanja Ugovora, od strane ovlaštenih lica ugovornih strana.

Član 13.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

U znak prihvatanja svih prava i obaveza iz ovog Ugovora, ugovorne strane ga svojeručno potpisuju.

UGOVORNI ORGAN
KJKP „POKOP“ d.o.o. Sarajevo

Direktor, Goran Cerić

Broj, 0602-1619-5/18
Sarajevo, 11.05.2018. god.



DOBAVLJAČ
„HS INŽENJERING“ d.o.o. Sarajevo

Direktor, Sead Halilović dipl.ing. građ.

Broj, 127 /18
Sarajevo, 11.05.2018. god.